



1675.

1. Boetticher, Johannes Henricus: De praesumptionibus
- 2<sup>ae</sup> Boetticher, Joh. Henricus: De iure sigillorum
3. Calvinius, Casparus: Contractus et promissa. Decas  
quaestionum concernentium.
4. Clasenius, Daniel: De effectu rei iudicatae.
5. Clasenius, Daniel: De consuetudinibus.
6. Eisenhart, Joh: De fetorum propria facti scientia.  
Oratio . . . , cum . . . proferri non juris publicum  
caperent
- 7<sup>ae</sup> Engelbrecht, Georgius: De pluralitate votorum  
2 Exempl.
- 8<sup>ae</sup> Engelbrecht, Georgius: De operis rusticorum . . .
9. Hempell, Petrus Christophorus: De advocatio
10. Meibomius, Henricus: De phthisi.
11. Seidensticker, Antonius: De furibus ferarum .



12. Wffelmannus, Henricus : De homagio  
13. Witte, Joannes Michael, von : De potestate maritali







13. *W. H. ...*  
14. *W. H. ...*





12 DISCVRSVS ACADEMICVS  
DE  
PLURALITATE  
VOTORUM

Q V E M  
DIVINA FAVENTE GRATIA  
SUB PRÆSIDIO


DN. GEORGII ENGELBRECHT  
J. U. D. INSTIT. IMPER. ET IVR. CRIM.  
IN ILLVSTRI HAC IVLIA PROFESSO-  
RIS PVBLICI ET ORDINARIII DN. PATRONI,  
PRÆCEPTORIS AVUNCULI ET HOSPI-  
TIS PLVRIMVM COLENDI

*Publicæ Eruditorum disquisitioni subijcit*

PAULUS THEODORUS CONERDINGIUS

Theod. Fil.  
Autor

AD DIEM JUNII  
IN MAIORI NOVI IVLEI AVDITORIO



HELMESTADII,

Typis HENRICI DAVIDIS MÜLLERI Acad. Typogr.

Anno CI O I O C LXXV.



89  
1675, 17<sup>a</sup>  
8

P. 44.

191











I. N. D. N. I. C.

THESIS I.



Um in omnibus omnino rebus videamus naturam ad ultimum suo quodam itinere & naturali quasi instinctu pervenire ac ferri, adeo ut quælibet res illo ultimo h. e. fine suo destituta pro imperfecta habeatur, necessum quoque est, ut quævis societas certum & ultimum sibi propositum habeat finem Aristotel. *1. Pol. 1.* Nec interest utrum homines naturâ ad societatem in eundem ducantur, an vero talis solum ex humano instituto dependeat, utrum quædam ex paucis constet personis, an vero ex pluribus & integris societatibus sit congesta, utrum illa sit inter æquales & pares an vero inter dispares, utrum denique talis inveniat Recta, an vero aberrans, omnes dico suos fines eosque notos habere debent, *cognitis enim rerum finibus, cum intelligitur, quid sit & bonorum extremum & malorum: inventa vita via est, conformatioq. omnium officiorum. Cic. lib. 5. de fin.*

II.

Quamvis autem unaquæque societas etiam finem suum cognitum habeat, dubito tamen, num eundem statim obtinere queat, nisi primum ejusmodi adhibeat  
media



media, quæ ad illum obtinendum sint idonea, cum nul-  
lum finem absque mediis adhibitis assequi possimus; De  
his itaque omnino in quavis societate deliberandum es-  
se probat Aristotel. 1. *Rhet.* 4. ubi simul, quomodo de il-  
lis deliberandum sit, eleganter docet, nec enim delibe-  
ramus, nisi certis quibusdam positis, quæ fini sint accom-  
modata & proportionata, quæque omnibus circumstan-  
tiis hujus vel illius finis conveniant, Et hinc oritur Con-  
sultatio, quæ nihil aliud est, quam investigatio medio-  
rum ducentium ad finem certum five secundum Aristote-  
lem *lib. 6. Eth. cap. 10.* est reſta quædam agitatio mentis  
ex utilitate ad finem accommodata.

### III.

Ad hanc autem Deliberationem vel Consultatio-  
nem de variis rebus ad finem consequendum necessariis  
instituendam, cum unus non sufficiat, (unius enim ho-  
minis æras & conditio non patitur, ut in plurimis rebus  
verſetur colligatque singularia, sed hic potius verum est,  
*pluribus intentus minor est ad singula sensus*) necesse est, plu-  
res adhibeantur ad ejusmodi inveniendum, quod ad fi-  
nem cujusvis societatis obtinendum faciat. Id quod  
noſtra Respubl. Romono-Germanica quoque confirmat:  
dum omnes Ordines una cum Imperatore de iis quæ ad  
*τὸ κέρειον* pertinent deliberare debent. Sicuti expresse  
hoc asſeritur in der Ordnung des Regiments *de anno 1500.*  
*Tit. von den zwanzigen R. N. Anno 1559* §. damit dann hin-  
führo 38. *R. N. Anno 1570.* §. weiters nach dem auch. 42. jung.  
elegans locus ex instrumento Pacis Casareo. Suecico  
art. 8. §. Gaudeant sine contradictione. 2. 3. & 4.

### IV.

Plures tamen si Deliberationi intersint ab intelle-  
ctus & voluntatis humanæ imbecillitatem & ob natura-  
lem



lem ad dissentiendum facilitatem, quemadmodum con-  
queritur Jctus Vlpian. *in l. 17. §. 6. ff. de recept. qui arbit.*  
unanimi consensu in unam sententiam coire raro solent,  
ideo, ne res careat exitu, uti Vlpian. *in eadem lege loquitur*  
neve Collegium ac Respubl. dilabatur; prudenter intro-  
ductum, ut, quod per veram plenamque concordiam ef-  
fici nequit, id per eam, quæ talis est fictione juris & è  
plurium sententia desumitur, efficiatur; creduntur enim  
merito rectora, quæ pluribus placent Aristot. *lib. 4. Pol. c.*  
*8. §. 1. 6. Pol. c. 2.* Imò quod plures fecerunt, id omnes  
fecisse videntur *l. 19. ff. ad Municipal. l. 160. §. 1. de R. I.* ibiq;  
Magnif. Dnus Eichelius. *l. 3. 4. 5. ff. quod cujusque univ. no-*  
*mine. cap. 28. X. de Elect. cap. ult. X. de iis quæ sunt à maj.*  
*part. cap.* Quod autem plurium sive majoris partis con-  
sensus sufficiat, nititur eleganti ratione, quoniam si om-  
nium & singulorum sententiæ specialiter requiri debe-  
rent, negotia universitatum & Collegiorum non facile  
expediri possent *l. 2. §. deinde quia facile ff. de Orig. Jur.* pro-  
pter paulo ante allatam naturalem imbecillitatem David.  
Mæv. ad I. Lubecenf. *lib. 1. Tit. 1. Art. 2.*

Hoc itaque jus majori deliberantium parti concef-  
sum, cum tantæ sit dignitatis, tantæque utilitatis, ut in-  
finitas aliàs lites statim dirimere possit, brevibus pro mo-  
dulo ingenii, proponere, & ea quæ ad materiam hancce  
potissimum referri possunt, attingere, mei nunc est pro-  
positi, si prius monuerim, me jam tum usum esse & sæ-  
pius posthac usurum pluralitatis vocabulo, quod quidem  
apud Classicos Latinos scriptores vix reperire licet, lon-  
go tamen usu ita receptum esse, ut latinitate donatum  
videri queant, imò terminum artis apud Jctos & alios  
esse, satis constat, vid. Instrum. Pac. Osnabr. *Art. 5. §. 51.*



*verb. non attenda votorum pluralitate. Sine vitio igitur & me quoque illud adhibere posse confido.*

VI.

Haud abs re tamen fore existimo, si non nulla præmittantur, quæ in genere ad votum, quod Latinis suffragium dicitur, spectant: nec tamen operæ pretium multis in derivationem vocabuli inquirere. Describi itaque statim poterit, quod nempe Votum sit Declaratio sententiæ à quovis deliberantium de re ad Consultandum proposita animo conceptæ. Ad quam declarationem sententiæ nisi consultantes demum pervenirent, frustra deliberaretur inqualibet consociatione, cum deliberantibus certi aliquid statuendum sit, quod absque ejusmodi declaratione fieri vix potest. Hæc autem declaratio cum multis modis differat, lubet quoque præcipuas ejus differentias, quasque notas habeo, hic apponere.

VII.

Cum autem vota deliberationes & Consultationes pro fundamento habeant, & exinde demum proveniant: ei vero, qui consultent, duorum sint quasi generum; alii enim hoc faciunt absque Potestate executioni mandandi id, quod consultando conclusum fuit; alii vero non tantum consultant ac decernunt, verum etiam id quod decretum est, executioni mandare possunt, ideo Vota & Suffragia haud incommodè dividuntur in Consultativa & Decisiva. Hæc feruntur ab iis qui cum potestate consultant: Illa ab istis qui exequendi potestate earent. Dn. Doct. Meier. in *Analysi ad Pol. Arist. l. 2. c. 14. in exeg. CLXXIX.* Deinde dividuntur Vota in Affirmativa & Negativa in Comprobandi & Improbandi. Idem Dn. Meier in *privatis discurs. ad eundem Aristotelis locum habitis*: Cum consultantes rem deliberandam Reipublicæ vel



vel cuilibet universitati, in qua proponitur, conducere aut affirmant, aut negent, & suffragia jam tum ea de re lata vel comprobent vel ab eis discedant. Ubi hoc simul monendum, quod non nulli ad consentiendum & approbandum adeo proni inveniantur, ut nescio ob quam causam vel intempestivum metum dissentire à prioribus, ipsis quasi sit religio, & Germanico Idiomate appositè dicuntur die *Ja-herrn*. Dantur demum vota quasi mixta, quando suffragia jam tum lata partim comprobantur, partim ab iis receditur, & hoc fieri solet, si res deliberanda duo vel plura membra in se contineat.

#### VIII.

Porro multum interest an vota sint simplicia i. e. absque ratione; an vero conjuncta cum ratione sæpius enim è re est collegi ac universitatis, ut quisque consultans rationem sui voti succincte reddat, exiguntur autem illæ rationes variis modis, vel rationes probandi & decidendi tantum, vel dubitandi & decidendi simul, quæ si voto vel consilio jungantur possumus illud jure meritoque Plenum nominare. Dein quoque non perinde est, utrum scripto an ore, utrum seorsim, an in ipso conventu, omnibus præsentibus ac audientibus suffragia ferantur. Prius iterum bifariam fieri potest, vel enim spatium meditandi conceditur domi, vel statim ac in Senatu capita, uti ajunt, deliberandi proposita sunt, vota seorsim colliguntur. Et plurimum interest, utrum quis instructus accedat nec ne, nonnunquam enim satius est cum instructione in rebus præcipue maximi momenti ad Consilium accedere. Ita in nostro Imperio capita in Comitibus tam universalibus quam circulatorum deliberanda eorum statibus ac legatis prius communicari solent. Denique distinguuntur vota in occulta & Manifesta, Hæc quando



quando constat quis hoc vel illud votum tulerit, illa sunt quando hoc non constat. Nec tamen & hanc differentiam prætereundam censeo, qua vota feruntur vel prævio juramento vel non prævio juramento. Illius insigne exemplum habemus in electione Imperatoris Romano - Germanici, ubi Electores non prius ad Electionis actum quam juramento præstito admittuntur. Aur. Bul. *Tit. 2.* Demum & illud addendum, quod vota vel viritim vel curiatim ferantur, uterque suffragii ferendi modus tam in Comitibus Imperii quam in provincialibus auf den Reichs und Landtagen obtinet. Singuli enim ordines ac status tum Imperii, tum provinciarum primum in suis Collegiis ac Curiis viritim, postmodum in univèrsam Curiatim suffragia ferunt, & tandem si conspiraverint, eorum unanimis sententia, vel si inter se dissentiant, discrepantia suffragia, in Comitibus Univèrsalibus Imperatori, aut ejus Cancellario ac Consiliis proponuntur. Severin. de Monzamban. *cap. 5. §. 26.* Dn. Hugo *indisfertat. elegant. de Statu Region. German. cap. 4. thes. 32.* De quibus tamen omnibus & singulis speciebus & votorum differentiis singulorum locorum consuetudines & Statuta accuratè attendenda sunt; modum enim vota colligendi pro diversitate locorum variare, experientia clarè testatur.

#### IX.

Perspectis ita variis votorum differentiis non est quod ulterius ipsa tractatio differatur: de justo igitur ordine sollicitus, huic materiæ hunc optime convenire credo, si præmissa pluralitatis votorum definitione de personis primum agam. quæ votum ferant, quæque pluralitatem constituere possint; postmodum discutiam, in quibus



quibus rebus pluralitas locum habere possit, in quibus non: postulat tunc ordinis ratio, ut agatur de modo, votorum colligendorum & computandorum, quem subsequetur ultimo loco ipse effectus pluralitatis votorum.

X.

Describi autem poterit pluralitas votorum per Remedium juris, quo discrepantibus Collegarum suffragiis, plurimum sententia, omnium esse censetur. Et rectissime remedium vocamus, quia quasi medetur incommodis dissensus & inde alias oriundam dissolutionem societatis præcavet. Remedium est, conducens ad id, ut salutaria consilia bono potiantur fine, nec Reipubl. necessariae deliberationes frustra dissipentur, quanto autem cum malo Reipubl. hoc conjunctum sit, leviter saltem harum rerum perito ob oculos versatur. Nec minus apte nominatur quoque Remedium aliquod juris, cum non solum juri naturæ congruat, sed & apud Gentes passim receptum nec juri Civili nec Canonico ignotum sit, & tam in communi Imperii Romano Germanici Republica quam in singulis ejus regionibus & Ducatibus observetur.

XI.

Juri Naturali pluralitatem votorum convenire elegantissime ostendit H. Grotius *de Jure B. & P. lib. 2. c. 5. §. 17.* cum primo naturalis quædam præsumptio pro majore parte militet, hanc enim majori perspicaciâ circa res agendas valere ex vulgato illo apparet, quod plus videant oculi quam oculus: *jung. Aristoteles lib. 3. polit. c. 7. p. m. 173. in verbis: multos namq; quorum unusquisq;* quod licet aliquando fallat, quemadmodum notavit Seneca *de vita beata lib. 2. Non tam bene cum reb<sup>us</sup> humanis agitur, ut melior a pluribus placeant*, tamen nullam aliam negotia expediendi rationem esse posse ex sequentibus & ex parte supra dictis haud ob-

B

scure



scure apparebit. Ponamus enim in Collegio quosdam & dignitate & meritis & genere potiores dari, jure tamen omnes æquales esse, quo muniti non patientur, ut personarum diversitas attendenda sit & ipsis quæsitum æqualitatis jus auferatur, de quo loquitur Plinius Secund. *Epist. 12. l. 2. Sed hoc pluribus visum est. Numerantur enim sententiæ non ponderantur, nec aliud in publico Consilio potest fieri, in quo nihil est tam inæquale, quam æqualitas ipsa. Nam cum sit impar prudentia, par omnium jus est.* Et haud proficuum quoque videtur, si sanior sententia, cum quisque talis videri cupit, obtinere contra plures debere: quia enim imprudentiæ manifestissimæ argueretur, qui cederet, nunquam vel raro hoc fiet & sic deliberationes vel plane nullos vel sic satis difficiles non sine Reipubl. detrimento, sortentur exitus. vid. David Mæv. ad I. Lubec. *lib. 1. tit. 1. art. 2. & seqq. Fab. in Cod. lib. 1. tit. 7. def. 2.* Deinde Grotius in eodem loco secundum fundamentum majoris partis in æquitatis ratione ponit dicendo, *in iis rebus ob quas consociatio quæquæ instituta est, universitas & ejus major pars obligant singulos, quia credenda est fuisse voluntas in societatem cœuntium, ut ratio esset aliqua expediendi negotia: est autem manifestè iniquum, ut pars major sequatur minorem. quare naturaliter seclusis pactis ac legibus, quæ formam tractandis negotiis imponunt, pars major jus habet integri.* Terti ex cit. loc. Grotii non nulli & hoc eliciunt, quod id, quod quisque vult in sua causa, si nempe nullum aliud est remedium, id quoque debeat in aliorum causa velle, jam præsidium majoris partis ita comparatum est, ut quisque in propriâ causa id exoptet inque eo acquiescere velit: ergo nec in aliis negotiis id recusandum erit. Osiander ad H. Grotium cit. loc.

XII. Et



## XII.

Et apud Gentes quam plurimas hoc jus pluralitatis receptum fuisse, satis constat. Ita apud Hebræos non nullis casibus in usu fuisse adducit inter alios Socius Religionis, pag. 99. *Instit. ad Exod. 23. v. 1. 2. 3.* verba ejus hæc sunt: *Verum est Hebræos voluisse sequendam esse multitudinem, quæ reum liberare & absol. vere cupit, etiamsi unico voto tantum major sit, non vero eandem, si damnet unico tantum voto superior existens. Si lis erat de pecunia, unum votum superius sufficiebat ad absol. vendum reum, si de vita hominis, duo ad minimum majora esse debent reliquis.*

## XIII.

Apud Athenienses, Lacedæmonios, Romanos aliosque id in usu fuisse, apparet ex variis scriptoribus, qui tunc temporis vixerunt, quos partim penes Grotium *cit. loc.* partim penes Bertramum *in dissert. de Comitibus.* imò plures penes Caspar. Klock. *lib. 1. Conf. 35. n. 287. & seqq.* invenies. Romanos illo jure usos fuisse ex variis legibus civilibus videndum est. *L. 160. §. 1. ff. de R. I. l. 2. 3. 4. ff. quod cujusq. uni. vers. l. 19. ff. ad municip. l. 17. §. 6. ff. de recept. qui arbitr. Cicero lib. Epistol. famil. 8. epist. 2.* Prudentius sic de scribit morem Romanorum *lib. 11.*

*Si Consulta Patrum subsistere conscriptorum.*

*Non aliter licitum prisco sub tempore, quam si*

*Ter centum censisse senes legerentur in unum.*

*Ser. venus leges patrias, infirma minori*

*Vox cedat numero, par. v. que in parte fiescat.*

Et apud majores nostros idem quoque obtinuisse satis fuse ostendit Magnif. Dn. Conringius *in dissertat. de Comitibus Imperii Germ.*

## XIV.

In Parlamento Gallix & olim & hodie obtinuisse ex



variis constat autoribus, præcipue vero ex Francisci Hotomanni *Franco Gallia cap. 27.* quamvis à tempore Ludovici XI. parum autoritatis habuerit Parlamentum Parifienfe, teste Magnif. Dn. Conringio *difert. cit. §. 4.* & ab eo rurfus citato Hotomanno: plenius tamen hac de re videri poteft Thuanus *hif. lib. 35.* In Senatu Sabaudico, fupremo Senatu Lufitaniæ & apud Neapolitanos pluralitatem votorum quoq; obtinere ex variis terrarum illarum fcriptoribus apparet, quos omnes hic recensere fupervacaneum cenfeo, cum eos omnes quoq; habeat Cafpar. Klock. *Conf. 35. n. 287. & feqq.* In Republ. Veneta fingularis quidam modus fuffragandi obtinet, quem eleganter defcribit Cafpar. Contarenus *de Repub. Venet.* Sic quando eligunt v. gr. Senatorem, tum unusquisque reliquorum Senatorum nominat quem voluerit, deinde pro fignificalis fuffragia itur: isque cui plura contigerint quam reliquis, dummodo dimidium totius fummæ excedant, electus renunciatur. Quod fi vero Senatus vel decernere vel fancire aliquid velit, Senatorum fuffragia in urnam jaciuntur, & fic funt vota occulta, pofmodum confiliarii illa numerant & id pro decreto habetur, cui plures, quam pars Senatorum dimidia, fuerint fuffragati, fufius hæc habet Contarenus *cit. loc. lib. 2. §. 3.*

XV.

Quod jure Canonico quoque introductum fit hoc jus pluralitatis, haud pauci indicant textus. *Cap. 42. 21. 22. extr. de Elect. in 6to: cap. ult. extr. de iis que funt à maj. part. cap. arg. cap. 1. verf. quod certa ibi extr. de his que funt à maj. part. cap. Ecclesia 48. verf. verum cum fupra extr. de Elect. arg. non præftat 52. de R. I. in 6to.*

XVI.

Juris publici totius Germanici Imperii expreffis fationibus



Cionibus idem hoc jus firmari constat. Expressis enim legibus cautum est, ut in Imperii Comitibus discrepantibus in uno vel altero puncto votis ad pluralitatem respectus habeatur. R. N. zu Trier und Cöln anno 1512. S. es sollen auch die Chur-Fürsten. *ib.* oder mehrer theil auß ihnen R. N. zu Wormbs anno 1521. S. würde sich. R. N. zu Regenspurg anno 1576. S. da dann die Sachen *Aur. Bul. tit. 2. §.* und wann *§. §.* wenn aber sie *ib.* als ob die Wahl von ihnen assen. *Instrum. Pac. §. 18. 19. 20.*

XVII.

Idem in particularibus Germaniæ provinciis in usu esse, satis testatur experientia, optima rerum magistra, quam in rem etiam turba doctorum, adduci posset, si res vulgata & clara, luce indigeret. Hoc enim illud est, quod legitur in jure Saxonico, scultetum non aliter, nisi cum consensu majoris partis paganorum pro utilitate communitalis vel villæ, ordinationem condere posse & hoc vim legis obtinere, non obstante contradictione minoris partis *Landrecht lib. 2. art. 55.*

XIIX.

Ad personas pluralitatem votorum constituentes nunc transiens talem forsân formare possum propositionem: Quicumque in collegio quodam gaudent jure suffragiorum, illi omnes pluralitatem efficere possunt; sub qua illos præcipue subsumam, qui in Imperio nostro tali gaudent suffragiorum jure. Appellantur autem illi Status imperii Reichsstände/ & hos quoque dignosci debere ex suffragandi jure elegantissime ostendit Dn. Conring. in *dissert. de Germanici Imperii civibus.* Imo hocce jus in qualibet civitate veram essentiam civium constituere notat *Aristot. 3. Pol. cap. 1.* Quamvis hodie secundum *Recess. d. anno 1654. §. über dieses haben wir 197.* requiratur, ut pro-



vincias Imperio immediate subjectas possideant, adeo, ut hodie jus civitatis absque territorio consistere haud possit. Reinkingk. *trañ. de Regim. Secul. & Ecclesiast. lib. 1. Class. v. cap. 10. n. 26.* Eos tamen recensere qui ad verorum civium censum olim pertinuerint & hodie pertineant ipse fatetur Magnif. Conring. *in disput. de Comitibus §. 11.* difficillimum esse, ut nullus etiam certi quidquam hac in re statuere queat: nec ullum monumentum quoque extare ex quo hoc ipsum verè innotescere possit.

XIX.

Nihilominus tamen Jacobus Lampadius *trañ. de Republ. Rom. Germ. part. 3. c. 3. n. 23.* omnes ad certas & tres classes refert, quarum primam constituunt omnes Electores hique tam Ecclesiastici quam seculares: alteram efficiunt omnes Principes tam Laici quam Clerici imo Comites Barones Abbates & ejusmodi: tertiam vero Urbes Imperiales absolvunt Lampad. *cit. loc.* Quæ tres classes cum tria quoque particularia constituent collegia, quodlibet Collegium autem separatim deliberet, rectius infra de iis agatur, ubi rationem & formam computandi pluralitatem votorum explicaturus, simul ea ostendam, quæ institutis Comitibus in collegio Electorum Principum & urbium Imperialium circa pluralitatem observantur.

XX.

Personæ autem omnes jus pluralitatis habentes necesse est, ut ad actum aliquem in Collegio peragendum, legitime convocentur, hoc est, in locum aliquem publicum *L. 2. C. de Decur. l. pen. C. de legation. l. 2. C. de præd. Decur.* Magnif. Dn. Eichelius *in Comment. ad Reg. J. 160.* Dn. Struvius *in Syntag. I. Civil. Exercit. VII. §. 43.* Et uno eodemque tempore *l. 2. C. de Decur.* Nam uno eodemque tempore præsentibus esse & in suffragium ire debent *l. pen. C. de legation.*



*legation.* Modus autem convocandi pro varietate loci quoque variat, in non nullis enim universitatibus & civitatibus municipalibus per sonitum campanæ aut tubæ convocantur, in aliis locis aliud quoque signum adhibetur. In nostro Imperio, si novus Imperator eligendus, Elector Moguntinus à primo die, quo sciverit Imperatorem mortuum esse, hoc simulque electionem futuram singulis collegiis ac Electoribus literis patentibus uti vocant, significat. Eæ vero id in se continere debent, ut à die in litteris expressa infra tres menses continuos omnes & singuli Electores Francofurtum ad Mœnum ad hunc Electionis actum se conferant. *A. B. tit. 1. §. sehen und ordnen wir.* *Limæus tom. 1. Jur. Publ. lib. 2. c. 3.* Cui citationi hunc effectum tribuunt, ut si aliqui emaneant, nihilominus præsentibus possint actum propter quem convenerunt, perferre *Bart. in l. 1. n. 3. de albo scribend. Authent. si omnes C. si minor ab hereditate abstinerit. jung. tb. 22.*

XXI.

Porro requiritur in personis convocandis, ut legitimam habeant personam standi in Collegio h. e. ut habeant jus suffragiorum, quo ipso excluduntur mulieres, quæ cum ab omnibus publicis muneribus remotæ sunt *l. 2. ff. de Reg. Jur.* (& ad illam Magnif. Dn. Eichelius, qui elegantissime illud variis argumentis demonstrat) ita quoque nec jus comitorum conventuumque publicorum & suffragandi habent, nisi specialis consuetudo aliud introduxerit, quæ præcipue attendenda est. *L. 6. pr. ff. quod cuiusque univers.* Quamobrem interdum & fœminæ, ubi Collegium moribus habere possunt, ut in Monasteriis & multis Xenodochiis ac orphanotrophiis & similibus piis locis jus suffragii habent *arg. l. placet 17. C. de Epis. & Cler. Wesenb. ad tit. ff. Quod cuiusque Universit. nom. n. 4.* Pupilli quoque & impu-



impuberes in Collegio vocem habere non possunt, cum nec hi muneribus publicis recte adhibeantur *l. 12 ubi DD. C. de procurator l. 8. ff. de muneribus l. 6 §. 1. ff. de Decur.* Impuberum ac minorum personis res videtur dubia. Wesenbecius tamen allegato loco, & ab eo adductus Speculator *in tit. de syndico n. 3. c. 13.* in actu eligendi syndici vocandos esse & suffragium habere statuunt, quia sacramentum universitati aut superiori præstare possint ac debeant *arg. 2. feud. 55. c. 1. in verb. Præterea si quis.* Atque ex justâ causâ etiam publicis officiis admoveantur *l. 17. ff. de Decur.* nisi consuetudo in contrarium adsit, uti in imperio nostro, & quidem in collegio principum secularium, ubi pro minoribus ipsorum tutores vel potius Curatores vocantur. Monzamban. *de stat. Imper. Germ. cap. V. §. 25.*

XXII.

Quod si porro omnes sint vocati, omnes tamen non compareant, jure Civili requiritur ut ad minimum duæ partes Collegii adsint *l. 3. ff. quod cujusq. uni v. nom. l. 2. §. 3. ff. de decret. ab ord. faciend. l. 45. C. de Decurion.* Sic si numerus collegii Duodenarius sit, ad minimum octo requiruntur, quorum conclusum, licet reliqui non adsint, neque veniant, ratum habetur *l. 3. ff. de decret. ab ord. faciend. l. 45. C. de Decur. l. 19. ff. ad municip. l. 3. 4. ff. quod cujusq. uni v. nom.* Communiter tamen trahunt in numerum duarum partium illos non computari, qui vocari nolunt vel non possunt venire Nic. Everhard. *Cons. 100. n. 5.* David Mæv. *ad J. Lubec. lib. 1. art. 2. n. 26. §. seqq.* Ut autem duæ partes collegii adfuerint is quoq; in electionis negotio numerari potest qui eligitur: *l. 4. ff. quod cujusq. uni v. nom.*

XXIII.

Quin & hoc addendum, si qui absentia, aut aliter impediti jure suo uti non possunt, eorum jus interim accrescere præsen-



præsentibus Grotius de *1. B. & P. lit. 2. cap. 5. §. 20.* Imo in Comitibus sæpius absentes præsentibus vices suas mandare & per eos suffragia dare consueverunt. Quid in supremo Iudicio Spirensi circa sententias tum interlocutorias, tum definitivas, easque vel de principali, vel de litium expensis ferendas præsentibus assessoribus inter se dissentientibus, constitutum sit, ea de re videre est. *Ordinat. Cam. part. 1. cap. 13. §. und so sichs begeben.* Quod si alias Iudicium aliquod constat ex tribus iudicibus, duo sententiam ferre non possunt absente tertio, quippe omnes iudicare iussi sunt & tertius præsentibus in aliam forsantententiam pertraheret *l. 39. ff. de R. Iudicat.* Præsentibus autem & dissentiente tertio duorum sententiæ statur *l. 30. ff. eod. lib.* Denique si ex pluribus iudicibus unus juret, sibi non liquere, hoc quiescente, reliqui qui consentiunt sententiam proferant, quia licet dissentiret, plurium sententia tamen obtineret. *l. 36. ff. de Re Iud.*

XXIV.

Quærent hic communiter, an Patris suffragium filio proferat & vice versa, an frater fratri suffragium dare possit, & utrumque Ulpianus *in l. 5.* & Paulus *in l. 6. ff. quod cuiusque universi. nom.* affirmant addita hac ratione, quod dederint suffragium non ut domesticæ personæ, sed ut Decuriones, nec enim consideramus in publicis vinculum domesticæ societatis, & in officiis publicis patria potestas & inde fluens juris fictio quod pater & filius pro unâ eademque personâ habeatur, non attenditur. *l. 9. ff. de his, qui vel alien. jur. Brunnem. ad l. 6. ff. quod cuiusque Universi. nom. n. 3.* Imò si pater in causa filii Iudex esse potest & contra *l. 77. ff. de studinis.* multo magis pater & per modum aggregationis parti pro filio votanti se adungere poterit

C



poterit & contra Enenek. Baro in tract. privileg. parentum & liberorum.

XXV.

An autem aliquis sibi ipsi votum dare seque eligere possit majoris est Dubitationis. Et neminem cui Magistratum constituendi potestas data est, se ipsum eligere posse, licet alii eligenti calculum adjicere queat, constat *ex l. 4. ff. de tutor. & Curat. dat. l. ult. ff. de officio Præt.* Quod si tamen tres elegerint quartum ex numero suo, potest Electus in sui electionem consentire, ejusque voto numerus augetur. A. B. Tit 2. §. ob daim der Chur-Fürsten drey. *cap. cum. injure 33. extr. de Elect.* Sic enim Elector Palatinus Rupertus à Moguntino, Trevirensi & Colonienfi electus suæ electioni consentiens Imperator creatus est. Marquard. Freherus in not. ad Petr. de Andl. lib. 2. c. 2. p. 8. Buxtorff. ad A. B. th. 39. lit. d. Non autem licitum esse aliorum votis non auditis proflire & se ipsum suffragio nominare constat ex A. B. alleg. loc. ubi Imperator Carolus ad hunc solum casum, si scil. quis à tribus Electoribus jam tum nominatus est, illud restrinxit; Proinde tale votum tanquam ambitiosum alias communiter rejicitur. *arg. cap. per nostras 26. ibi quantumcunque idoneus: extr. de Jure Patronatus. Can. didicimus 31. ubi gl. verbo à seipso ortus, Causa 24. Q. 1. Arumæus. discept. 2. ad A. B. th. 22. p. 115. & seqq.* Quamvis de Sigismundo Imperatore scribat Dubravius lib. 22. *hisor. Bohemic.* illum tanquam Regem Ungariæ, hucusq; dignitatis Regiæ causa primum votum habuisse, seque ipsum cum de nominando Cæsare rogatus esset, nominasse. Limnæus Tom. 1. *Iur. Publ. lib. 2. c. 3.* Simile quoque exemplum de Magistro quodam ordinis Teutonici refert. Æn. Sylvius in *Europa cap. 29.*

XXVI.



Quod si porro in Collegio aliquo suffragantium numerus sit par, vel licet sit impar unus tamen vel tres emanent, facile contingere potest, ut vota sint paria, quis igitur tum Deliberationis effectus sit, valde disputatur. Et si talis casus contingat in Imperatoris electione, tum non nulli dicunt controversiam hanc per prælium definiendam Cranzius *lib. 9. Saxon. cap. 26.* Alii controversiam Duello à duobus istis in diffidio electis decidendam esse, statuunt. Henricus Zölsner *disp. de Reg. Rom. elect. Concl. 11. fin. Vol. 4. dispus. Basil.* Alii porro asserunt consuetudine receptum esse, ut in casu discrepantis electionis: uterque electus Imperium administret, donec alter ex illis per Papam fuerit reprobatus. *Cap. venerabilem. 34. extr. de Elect. & Sgl. Henning. Gœden. tract. de Elect. Reg. R. cap. 7. n. 3.* Sed nec huic assentiendum, quia Pontifici Romano nullum omnino jus in electione Regum Romanorum concedendum. Magnif. DN. Conring. *in Dissert. de Imperatore Rom. Germ. it. in Dissert. de Constitutione Episcop. Lehmann. Chron. Spir. lib. 5. cap. 68.* Melchior. Goldast. *Tom. 3. Consist. Imperial. pag. 409.* Cum igitur electio hoc in casu utpote non è Majore parte facta, nulla sit, nullum etiam operabitur effectum *cap. non præstat. 52. de Reg. Jur. in 6to.* Nullum enim pactum nullam conventionem nullum contractum inter eos videri volumus subsecutum, qui contrahunt lege contrahere prohibente, habet *l. 6. pr. & §. 1. C. de Legibus. l. 6. ff. qui satisfacere cog. l. 8. §. 2. ff. de bon. possess. contratab.* ita ut ne confirmari quidem possit *Cacheran. decis. Redemont. 34. n. 12. & Decis. 39. n. 11.* Proinde si Pars una ad alteram accedere noluerit, electio de novo instituenda erit. *Arumæ Diss. 2. ad A. B. §. 17. pag. 104.*



## XXVII.

In judiciis vero si vota sunt paria ordinariorum iudicum, tum statur illi sententiæ, quæ pro libertate est vel alia causa favorabili, vel quæ Minorem summam continet. *l. 38. ff. de Re Judicat. cap. ult. extr. eod.* Sic si duo reum condemnent in 100. duo in 200, priorum sententia præfertur quia in 100 omnes consenserunt. *l. ib.* Imo si omnia paria ac vota etiam æqualia adsint, pro reo ferenda sententia, quia ejus partes favorabiliores. *Carpz. p. 1. Dec. 52. n. 30. & seqq. & p. 1. Jurispr. for. Const. 27. Def. ult.* Struvius *Syn-tag. Jur. Civ. Exerc. 44. §. 8. in fin. ex* allegata *Rennemanni Jurisprud. Rom. Germ. p. 4. D. 45. §. 13.* dicit, si hodie paria sint Collegarum suffragia, obtinere solere illa, quibus præses Collegii suffragium suum adjecerit quia tum Præfidis suffragium reliquis connumeratum majora efficit. *vid. Ant. Faber. lib. 6. Cod. Tit. 7. def. 4. n. 2. quem sequitur. Carpz. d. decis. 52. n. 15.*

## XXVIII.

Personas jus pluralitatis habentes porro statim excipiunt res in quibus pluralitatis jus locum inveniat, in quibus non. Cum autem communiter certi aliquid ponant, postmodum demum excipiant, dico omnes res regulariter pluralitatem admittere, quæ Deliberationi subjiciuntur, quales illæ præcipue sunt, quæ ad τὸ νόμον five summam Reipubl. potestatem pertinent, hanc autem tres præcipue partes efficere notat Aristotel. *lib. 4. Pol. c. 14.* quarum unaquæque membra sua habet, quæ itidem ab Aristot. *1. Rhet. c. 4.* maximâ ex parte numerantur. Omnes tamen hic recensere supersedebo, cum hujus dissertationis modum meumque institutum brevitati destinatum excedant.

## XXIX.

Ad publica porro negotia pertinere videtur, si Civitas



tas bona quædam immobilia vendere velit, & tum regulari-  
ter requiritur, ut alias solennitates nunc taceam, primū ut  
duæ partes civitatis sint præsentés, deinde ut major earum  
pars consentiat *l. ult. C. de præd. Decur. l. ult. C. de vendend.  
reb. civ.* Nic. Losæus *de jure univers. p. 3. c. 5. n. 4.* Sic & loca-  
tionem conductionem vel ex omnium consensu vel saltem  
majoris partis civitatis fieri debere, eleganter colligitur ex  
*l. 2. C. de præd. Decur. Gall. Los. cit. loc. c. 7. n. 2.*

XXX.

Privata negotia deliberationem & per consequens  
votorum pluralitatem admittentia sunt tam judicialia  
quam extra judicialia: Hæc vel maritima vel terrestria. De  
maritimis unicum casum injure partim civili partim ma-  
ritimo particulari expressum adjicere, nunc est animus,  
quando nimirum jactus fieri debet ex justo naufragii metu  
*l. 2. pr. verb. nave laborante §. 2. ff. de l. Rhod. de pact.* tum  
primum institutoribus & mercatoribus hoc communicatur,  
eorumque voluntas, si adsint, de jactu faciendo exploratur.  
Vinn. ad *l. 2. cit.* & hic plurimum consensus obtinet,  
*vid. cap. 11. l. L. Svecuarum de jure naut.* cum consuetudinis  
nauticæ sit, jactum secundum majoris partis sententiam fieri.  
Struv. *Syntag. Jur. Civ. Exerc. 20. §. 17.* Quod si non ad-  
sint Mercatores ipsi vel institores, vel licet adsint  
tamen consentire nolint, commune & ingruens pe-  
riculum fociis reliquis, proponitur, quod & antiquitus ob-  
servatum fuisse apparet ex *l. 6. Juris navalis Justin.* à Simon.  
Schardio editi. Atque tunc etiam invitis mercatoribus  
ex consilio majoris partis, nautarum jactus fieri solet & po-  
test Joh. Marqv. *de jure merc. Tit. de L. Rhod. de jact.* Locc.  
*de jure marit. §. L. 11. c. 7. Addatur Satut. Hamburg art.*  
*2. von werffung und geworffenen Guth.*



## XXXI.

Contra In actibus uniuersitatis & Collegii, in quibus tractatur de rebus non tam ipsam uniuersitatem, quam singula ejus membra concernentibus, non sufficit Majoris partis consensus, nec plures unum obligant *l. 11. ff. de seruit. rust. præd. l. fin. C. de autor. præst. cap. quod omnes extr. de R. Jur. in 6to. Mæv. p. 4. decis. 201. num. 4.* quia quod omnestangit, ab omnibus debet approbari, adeoque etiam uniuersim statuendum est, ut in omni omnino actu ille præcipue uocandus sit, qui interesse habet, & qui uocatus & præsens actui contradicere possit *Casp. Klock. lib. 1. Cons. 35. n. 309.* Singuli itaque interuenire & consentire debent, si de re tractatur, quæ ad omnes, ut singulos pertinet, quod adeo uerum est, ut si centum adsint, quorum consensus requiratur, nonaginta nouem uni dissentienti præjudicare non possunt. *l. 11. ff. de seruit. præd. rust. cap. quod omnes. extr. de Reg. I. in 6to. Cardinal. Tusch. in lit. M. Concl. 15. num. 16. Hartmann. Pistor. Quest. 37. num. 11. lit. I. Cravetta de Antiquit. temp. num. 29.* Quare potior est prohibentis conditio in eo quod plurimum commune est quasi singulorum. *l. Sabinus 28. ff. Com. Diuid. Hinc generale illud, ut nemo ex facto alterius prægravari debeat. l. 33. §. 1. C. de Inoffic. testam.*

## XXXII.

Accedit, quod ejusmodi negotia ex libero arbitrio ac uoluntate singulorum membrorum in Uniuersitate existentium dependere uideantur, & sint merè uoluntaria. Jam in uoluntariis majorem partem uniuersitatis nihil constituere posse, communiter tradunt, hinc dictum illud oritur, consensum majoris partis satis non esse, ut in uoluntariis alii de uinciantur. *uid. Cravett. cons. 592. num. 20.* Et in talibus



libus actibus, majoris partis consensum plane non sufficere, sed omnium consensum requiri, adeo ut & unius contradictio obfit, notat Casp. Klok. *diſt. Conf. 35. num. 329* & ab eo citat. *quam plurimi DD. inde fluit si aliquod jus in re pluribus ut singulis competat majorem partem cæteris præjudicare non posse, sic consensus ad alienationem feudi à propioribus, licet numero pluribus, agnatis impetratus remotioribus non præjudicat, quia ut singuli jus quæsitum ac radicatum habent Struv. Syntag. Jur. Feud. cap. 13. thes. 16, 18. Berlich. part. 1. decis. 15.*

XXXIII.

Pariter se res habet cum civitate si pecuniam mutuo sumere velit: tum enim non majoris partis sed omnium consensus requiritur, cum major pars adeo non repræsentet omnes cives, ut quid communi omnium civium consensu constituendum sit, id non auditis aliis expedire queat. Hartman. Pistor. *part. 1. Quæst. 37. num. 5.* Magistratus igitur accipiendo mutuum nomine communis civitatis regulariter non obligat civitatem vel bona civitatis communia, nisi re prius deliberata & cum omnibus civibus vel saltem Tribunis plebis legitime convocatis communicatâ istud fecerint, cum hi de consuetudine Germaniæ in plerisq; fere civitatibus una cum Magistratu integram civitatem ac omnes cives repræsentent, & vocantur *die Gildenmeister die Viertelszunft oder innungsmeister.* Hisce enim omissis vel exclusis, creditoribus istud mutuum in rem communem civitatis ad utilitatem publicam versum esse, probandum erit *l. civitas 27. ff. de reb. cred. Sibi Doctor.* huc etiam facit textus in *L. ambitiosam 4 junctâ l. quod semel ordo 5. ff. de decret. ab ord. faciend.* Matth. Colerus *de process. execut. part. 2. c. 3. n. 349 359* & multis



*multis seqq.* ubi late & eleganter de mutuo civitatis contrahendo agit. Hoc tamen debitum ab universitate vel civitate contractum non potest dici debitum singulorum nec potest peti à singulis, quia non debetur à singulis, sed universitate l. 7. §. 1. & 2. ff. quod cuiusque univers. nom. atque adeo executio pro eiusmodi debito non debet fieri in bona singulorum, sed in bona universitatis. Johann. Köppen. *quest.* 60. num. 16. & 17. Carpz. *part.* 2. *Jurisp. for. Const.* 6. *Def.* 24. debitum enim universitatis non est debitum singulorum. Klock. *Cons.* 153. n. 40. vol. 3. nisi civitas bona unde solvat, non habeat, quo casu civibus collecta pro quantitate cuiusque patrimonii per æs & liberam, vulgo nach eines jeden Taxe/ imponenda est Köppen. *d. quest.* num. 18. Idem obtinet in aliis universitatibus. Hartmann. Pistor. *d. quest.* 37. num. 26. nec non in collegiis opificum imò & in Ecclesiis, cum prælatus non nisi consensu capituli, & causa cognita nomine Ecclesiæ mutuum pecuniam accipere eamque obligare possit. Nov. 120. c. 6. *Auth. hoc jus porrectum. in fin. C. de SS. Eccles.* Grat. *disceptat. for. cap.* 196. n. 2. & seqq.

#### XXXIV.

In Imperio nostro publica sanctione quædam causæ exceptæ sunt à Jure Pluralitatis, de quibus sic Instrum. Pacis. *art.* 5. §. 51. *In causis religionis, omnibusque aliis negotiis, ubi status tanquam unum corpus considerari nequeunt, ut etiam Catholicis & Augustanæ confessionis statibus in duas partes eventibus sola amicabile compositio lites dirimat, non attentata votorum pluralitate. jung. art.* 5. §. 9. Quam legem saluberrime constitutam esse nemini dubitare licet. Non enim majorem partem votorum aliquid determinare posse circa aliquod dogma fidei, facile dijudicamus, cum non sit eiusmodi



jusmodi negotium ubi Status tanquam unum corpus considerari possunt, & potius à divino quam humano arbitrio dependeat. Accedit, quod fides in cordibus hominum mediante auditu ac diligenti lectione verbi divini oriatur ac crescat, non vero ab hominibus proficiscatur, ut adeo rectæ rationi non videatur consentaneum, si quis in religionis causis pluralitatem votorum attendere velit. Quid alias immediatis Imperii Statibus circa hæc negotia in suis territoriis permissum sit, apparet tum ex pace religiosa de anno 1555. tum præcipuè etiam ex Instrum. Pacis Osna-brüg. art. V. §. 1. 29. 47. Et multis aliis ejusdem articuli §§.

XXXV.

Porro in Instrumento Pacis hæc adduntur verba *cit. loc.* Quod vero pluralitatem votorum in materia collectarum attinet, cum res hæc in præsentis congressu decidi non potuerit, ad proxima Comitia remissa esto. Tales etiam plures quæstiones in proxima Comitia dilata ac rejecta fuerunt. Sic i. Num unum & alterum decisum in Instrumento pacis per majora vota mutari possit: Num expressa quædam Imperii sanctio, beneficio cujus aliquis Status Imperii singulare aliquod jus sibi acquisivit, in illius præjudicium per majora vota mutari possit? Et ejusmodi plures, quas videmus penes Autorem der Grundfeste des H. R. Reichs part. 3. c. 7.

XXXVI.

Ob quas autem rationes causa collectarum eò remissa fuit, idem Autor *cit. loc.* habet, præcipuè vero ideo hoc factum est, quod Protestantes discedere noluerint à distinctione inter collectas Necessarias & Voluntarias, quodque in illis pluralitas voti locum habere debeat, in his vero non item & hanc sententiam firmo quodam fundamento niti hand obscure apparet ex *Cit. Dn. Conringii dissert. de Comitibus §. 56.* Interim olim collectas à regula majoritatis

D

exce-



exceptas fuisse, apparet *ex Recess. Imp. de anno 1598. §. 14. anno 1603. §.* Und damit sich niemand 20. R. A. anno 1613. §. So seynd wir auch. 4.

XXXVII.

In Imperio nostro, quotiescunque Electores vel Principes novam collectam à subditis exigunt: primum status suorum Electoratum vel Ducatum convocant, cum iis de collectione communicant, & hoc facto, collectam subditis imponunt. Matthias Colerus. *Cons. 1. pro civitat. Rostoch. contra Ducem Megapolitanum n. 233. Et seqq.* Nicol. Lofæus: *tract. de jure univers. part. 3. cap. 9. n. 11.* Anton. Faber. *in Cod. Decis. forens. lib. 9. tit. 29. def. 18.* Imò Principes inferiores subditos quidē urgente necessitate collectare posse omnium tamen consensum requiri habetur in R. A. anno 1589. §. Und das den Unterthanen zusehenderst. R. A. anno 1613. §. demnach sollen die Unterthanen/verb. auff vordemelte ersuchung.

XXXIIX.

Hicce recensitis casibus alii adhuc plures addunt: sic abrogationem juris fundamentalis, juris ex Privilegio vel contractu singulis quæsitæ, causas ubi inter Catholicos & Reformatos ut partes litigantes disceptatur, ex pluralitate votorum decidi non posse statuit Besoldus *de Jurisd. Imper. quæst. 15.* Quin Bernhardus Bertramus plures adhuc enumerat *in dissert. de Comitibus n. 73.* ubi tamen recte & hoc addit, quia sub hisce causis omnes fermè, quæ unquam in deliberationem in Comitibus instituendam cadere possunt, comprehenduntur, curæ Imperatori ac Statibus Imperii fuisse, ne in Rempubl. talis consuetudo introduceretur.

XXXIX.

Denique hic quærendum quoque est, quia *l. 19. ff. ad municipal. quod major pars Curie effecit pro eo habetur ac si omnes egerint* fundamentum juri pluralitatis suppeditat, an quoque locum habeat in delictis ab universitate sive civi-



tate commissis, ita ut si major pars civitatis vel universitatis deliquerit, ipsam civitatem vel universitatem deliquisse, dicendum sit? Et negandum hoc videtur, cum nemo ex alterius delicto gravari debeat *arg. l. 7. pr. C. §. 1. ff. quod cujusq; univ. nom.* Imò tritum illud juris hic potius applicetur, noxa caput sequitur *Instit. de Noxal. act. l. ult. ff. eod. l. 1. C. eod. l. 21. ff. Commodati l. 1. §. 18. Depos. l. 18. de furt.* Ut igitur universitatem deliquisse dici possit, necesse est, ut omnes de universitate communicato consilio & præcedente deliberatione ad delinquendum coiverint, alias non ipsa universitas, sed singula deliquerunt, & puniendi sunt. Distinguendum forsàn ulterius hic erit inter delicta momentanea, quæ uno eodemq; tempore perpetrantur, uti sunt homicidia, & quæ causam successivam & longius duraturam habent, ut rebellio, in illis communem approbationem & simultaneam deliberationem requiri, in his vero non item: quia hic rati habitio ad delinquendum sufficit, ex actibus autem successivis & continuatis, si verb. gr. universitas rebelles connivendo fovet, præsumitur rati habitio, quæ mandato etiam in delictis nonnunquam comparatur. *L. fin. C. ad SCtum: Maced. l. 18. ff. Mand. Nic. Losæus lib. cit. part. 4. c. 1. n. 18. C. seqq.* Satis enim factis ipsis declaratur, intentio universitatis & evidentius voluntas interdum hominis factis quam verbis ostenditur. *Jung. Gail. lib. 2. de pace publ. c. 9. n. 32.*

XL.

Ad modum & rationem pluralitatem votorum computandi nunc transiens: primum occurrunt non nulla requisita in genere in votis pluralitatem constituentibus consideranda: & 1. quidem requiritur, ut omnes qui jus suffragii habent ad illum actum, de quo deliberatio instituenda, ac decretum secundum majora vota faciendum est, legitime citentur; alias majoris præsentium partis

D 2

con-



conclusum absentes non vocatos obligare nequit *L. 2. § ibi*. Bartol. *C. de decur. Dn. Mæv. part. 4. decis. 201.* (2) ut actus, qui geritur, sit collegialis & ad universitatem, quatenus talem, pertinens, i. e. causa sit habilis. Quod si enim ad plures non ut ad collegium, sed ad singulos spectet, in eo omnium consensus erit necessarius, uti hac de re plura in causis vororum pluralitatem admittentibus vel non, adducta fuerunt. *L. per fundum. 11. ff. de servit. rust. prad. Mæv. dist. decis. n. 4.* Vincent. de Franch. *decis. 2. n. 3. § seq.* (3) Major collegii numerus h. e. duæ ad minimum partes in rebus magni momenti præsentibus esse debent illa enim decreta, quæ non legitimo decurionum numero facta sunt, non valent. *L. 2. 3. ff. decret. ab ord. fac.* Reliquorum vero absentium jus accrescit præsentibus. Hug. Grot. *de I. B. § P. lib. 2. cap. 5. §. 20.* (4) Uti in aliis negotiis ita etiam præcipue in Electionibus omnium vota debent esse certa nec conditionalia vel alternativa, & licet quis incertum votum ferat, illud tamen non facile est admittendum, suum enim finem deliberatio non obtineret, nec exitum habere posset. *Cap. in elect. 2. de Elect. § Elect. potest in 6to.* Idem quoque in Imperatore eligendo observari debere notat Buxtorff. *ad A. B. concl. 43. lib. B.* (5) Vota regulariter ore proferenda non vero per litteras seu in scriptis mittenda. Quod etiam prudentissime in Imperatoris electione constitutum est *A. B. tit. 1. §. und welcher Chur-Fürst ibi: kommen oder seine Botschaft bescheiden § tit. 4. §. wenn und wie oft ibi: zusammen kommen.* Et hunc modum votandi Electores quoque in Electione Caroli Vti secuti sunt, uti protocollum habet, quod extat apud Goldast. *part. 1. Politischer Reichshandel tit. 26. §. 41.*

XLI.

Utrum autem vota secreta inquiri debeant, quod quidem



dem jus Canonicum in Electionis actu exigere videtur, *cap. quia propter 42. ibi: secretè extr. de Elect. cap. si quis 46. §. absens ult. de Elect. in 6to. Nic. Eberhard. conf. 39. n. 5.* Eâ de re attendendi erunt singulorum locorum mores ac statuta. Sane A. B. in eligendo Imperatore non videtur requirere, ut scrutinium secretae instituatur, sed potius ex contextu ejus colligere licet, illud posse publicè institui, quia Moguntinus votum suum palam exprimit. A. B. *tit. 4 §. Derer aller Stimme ibi. seinen wissen und Stimme auch offenbahre.* Quod igitur lex non requirit id nec nos præcisè requirere debemus, *arg. l. 71. §. 5. ff. de acquir. vel amitt. hered. l. 7. C. de religios. & sumpt. fun. l. 4. C. de l. Dot. l. 25. fin. ff. ad Mancip.* sicut in electione Maximiliani II. publice vota fuerunt collecta. Buxtorff. *tb. 42. lit. F.* Idem in electione Ferdinandi II. observatum fuisse patet ex Matensio *de elect. ejus lib. 2. pag. 81.* Ferdinandus enim in aliud conclave secessit, ne videlicet suffragia Principum Electorum in suam personam conferenda coram audiret.

#### XLII.

Sexto, Vota præsentium ordine fiant, nec facile quidquam iis immisceatur, quod non directo ad præsentem causam spectet (7) suffragia quantum fieri potest breviter ferenda sunt, & rationes quædam ipsis addi possunt ac interdum debent, non tamen inutilibus allegationibus vel tædiosis repetitionibus sunt coacervanda (8) Sequentes in suffragantium ordine si nihil novi addere possint, aut velint, consensum suum per verbum PLACET vel simile declarent. *R. X. anno 1654 §. 148. verb.* So hätten sie sich allene per verbum placet zu erklären. Certum demum tempus (9) interdum præscribitur quo & intra quod deliberatio tum inchoanda tum finienda est. Sic si Electores electionem Imperatoris distulerint intratriginta dies



à die præstiti juramenti continuo numerandos, pane tantum & aqua tam diu alendi sunt, donec voluntates eorum & suffragia in unum consentiant; *A. B. tit. 2. §. Wo sie aber das verziehen.* Eodem fere mitiori tamen modo, puniuntur Cardinales, si intra tres dies, postquam conclave intraverint non fuerit Ecclesiæ provivum de Pastore *cap. 3. §. in eod. autem palat. vers. Verum si (quod absit) intra tres dies Sc. de Elect. in 6to.* Et hæc videntur communiter requiri ad deliberationem in qua pluralitas votorum attendenda est. Ab hisce tamen requisitis mores & constitutiones singulorum locorum sæpius recedunt.

XLIII.

Ita in iudicio Cameræ Assessoribus certus votandi modus præscriptus est, qui videri potest apud Jacob. Blum: *in Process. Camer. tit. 75. §. 31. & seqq.* Præterea enim quod semper certus Assessorum numerus pro varietate causarum adesse debeat, requiritur, ut vota præsentium (quorum decretum habetur ac si hominibus fuisset prolatum) ordine fiant, nec quidquam immisceatur, quod non directo ad illam causam à Referente propositam pertineat, & Referens relatione facta statim votum suum superaddat, nec reliqui Assesores danda vota differant. *N. N. anno 1654. §. in alle wege 146.* Vota quoque Assessorum ita debent esse comparata, ne multæ juris allationes vel repetitiones illorum, quæ in relatione prolata, immisceantur. *N. N. anno. 1654. §. denen Referenten solle. 147.* Et ejusmodi plura requisita, quæ in *Recess. ult.* sunt constituta, à Blumio enumerantur *cit. loc. jung. Ord. Cam. p. 1. tit. 13.*

XLIV.

Quod vero ipsam majoris partis computationem attinet, illa non semper ex majori personarum numero, sed etiam ex earum qualitate ac quantitate rerum sæpius æstimanda



manda est. Nam in societate æqualium major numerus tantum præpollere debet; quod enim à plurium prudentiâ proficiscitur, majorem opinionem prudentiæ habet. Quod si autem singulæ societatis partes sint inæquales, fieri potest, ut voluntas unius, aut paucorum, qui in societatem plus contulerunt, dirigat eandem, obligetq; majorum numerum. Ampliff. Dn. Felden *in not.* ad H. Grot. *lib. 2. c. V. §. 17. ad verba: Habebat autem omnes.* Et hoc profert H. Grot. *in cap. 5. §. 22.* Sententiæ ad mentoriã, i. e. Geometricam proportionem in societatibus, quæ fundamentum in re habent, æstimandæ, ac major numerus computandus est. Sic in casu supra posito, si jactus mercum metu naufragii fieri debet, tum ex majoris partis consensu hoc quidem fit, ita tamen non sumitur, ut solet in collegiis major numerus personarum sed secundum magnitudinem portionum, quas in navi habent vel etiam secundum majorem navigandi peritiam, cum periti demum de imminente naufragii periculo verè judicare possint. Const. Hans. *tit. 5. art. 7.* Statut. Hamburg. *art. 2. von Schiffesredern.* Elegantem casum nobis quoque suggerit *l. 8. ff. de pactis* ubi itidem major pars pro modo debiti non pro numero personarum sumitur. hæc itaq; pars major ratione debiti potest præjudicare minori parti paciscendo cum debitore vel partem remittendo vel dilationem concedendo. Brun. *ad l. 8. ff. de pact.* *Et ab eo lit. Berlich. p. 2. Dec. 235.* Et remissionem hanc vel dilationem ex misericordia concessam esse, ut debitor interea temporis ad meliorem statum pervenire & citius debitum persolvere possit, notat Berlich. *d. l. n. 6.* Si autem minor numerus in id non consentiret, nullum effectum majoris partis intentio haberet, quod enim major pars remitteret, id minor ad se traheret. Brunn. *cit. loc.* Aliud exemplum habetur in *l. 16. ff. de rebus autorit. jud.* Quando enim bona debitoris sunt



sunt distrahenda & res sine deterioratione dividi nequit, tum inter plures creditores, aliis præfertur is, qui est creditor majoris summæ, si nempe idem pretium offert. *l. cit.*

XLV.

Quin & hoc in modo considerandum est. Utrum majoritas votorum intelligi debeat habito respectu ad numerum idem suffragantium, an vero ad integrum collegium. Distinguendum est inter electiones, deliberationes & judicum vota. In Electionibus solet major pars intelligi respectu totius Collegii. Ita si in Collegio sint viginti quatuor, decem ex illis affirmativæ, octo negativæ, sex inter utramq; medii neutri astipulantur, tum nulla hic adest votorum pluralitas, & licet decem adsint, qui affirmant, reliqui tamen quatuor decem illis contradicunt. Sed in deliberationibus & votis judicum numerus respectu suffragantium attenditur: sic si decem pro reo, sex pro actore, octo medium sententiam sequuntur, primi illi decem prævalere debent. Mævius ad jus Lübecens. *lib. 1. tit. 1. art. 2. n. 35.* Nic. Eberhard. *Cons. 39. n. 5.* Dn. Brunnem. *ad l. 19. n. 7. § 8. ad Municipalem.*

XLVI.

Ita etiam in electione Imperatoris majoritas non respectu eligentium, sed respectu totius Collegii Electoralis, intelligi debet, quia in A. B. constitutum, ut quis à majore parte ipsorum scilicet Electorum electus sit, *tit. 2. §. wo sie aber. ibi. ihrer mehrer Theil §. seq. ibi. wann aber sie oder ihrer mehrer Theil cap. Ecclesia 48. vers. verum cum super extr. de Elect. cap. 1. extr. de his quæ sunt à majore part. cap. Arumæ. discept. 2. ad A. B. th. 16. Buxtorff. concl. 35. lit. E.* Et hæc potestas eligendi Electoribus quoque non competit ut singulis sed ut universis & collegio *A. B. tit. 4. wenn und wie off/ ibid und wenn sie alle §. tit. 2. §. und wenn die Churfürsten ibid. es haben dann ihren.*

XLVII.



XLVII.

Quod autem tres classes statuum Imperii (ita distinctas anno 1489. impetrante Friderico III. Lehman. Chr. Spir. l. 7. c. 120. p. 997.) Electorem scilicet, Principum, civitatum Imperialium attinet, & quomodo in iis secundum pluralitatem vota ferantur, transgrediendum primum erit ad Electores vocatos olim die *Wahl-Fürsten* / die *Wahl-Herren* / uti ex vetustis MSCtis adducit Illustriss. Gustav Selenius *tract. von Schachtspiel lib. 1. c. 6. in fin.* Illi igitur in collegio suo viritim suffragia ineunt: observato ordine ipsis præscripto à Carolo IV. in A. B. Tit. 4. §. wann und wie off. & tam diu vota exquiruntur, donec vel omnium vota conspirent vel majora rem decident. Magnif. Dn. Conring. *Disp. de Comitibus §. 16. Grundfeste des Hl. R. Reichs. part. 2. c. 4.*

XLVIII.

In secunda classe Principes omnes tam Politici quam Ecclesiastici, Prælati, Comites, Barones immediati comprehenduntur: alia tamen Principum proprie sic dictorum; alia Prælatorum, Comitum, Baronum suffragii ferendi ratio est. Prælati enim Comites, & Barones, Principes numero longe superant, adeoque sententiarum multitudine universæ classis jus ad se trahere possent, ideoque constitutum est, ut Principes quidem omnes & nonnulli Prælati, qui Principibus accensentur, viritim sua suffragia ferant, Prælati vero reliqui Principibus haud adscripti ac Comites Barones curiatim sententias dicant, hoc discrimine, ut Prælatorum Curia hodie duo, Comitum vero ac Baronum quatuor suffragia ferendi jus habeant. Magnif. Dn. Conring. *cit. Dissert. §. 50. & ab eo cit. Limnæus Tom. V. Jur. Publ. in Addit. ad lib. 9. c. 1. n. 143.* Notandum quoque, quod Principum Politicorum familiæ quædam unum solum, quædam respectu diversarum linearum, duo tria vel quatuor vota habeant, ceu id patet ex Recessuum imprimis ultimi de anno 1654. subscriptionibus.

E

XLIX.



XLIX.

Civitates Imperiales tertiam classem constituunt, his enim votum decisivum non denegandum esse patet ex clarissimo textu *Instrum. Pac. Cas. Suec. art. 8. §. Tam in univ. salibus 4to.* Illæ itaque civitates in Collegio suo viritum sententias suas dicunt, & per majora concludunt. *Grundfeste des Hl. R. Reichs p. 2. c. 6.* Quod si jam tria illa Collegia particulatim decisivum aliquod per majora collegerint, tum quodlibet Curiatum suum votum confert, & quid visum sit primario Collegio Electorali, Classi Principum communicat, & postmodum ad classem civitatum negotium quoque perfertur. Quod si autem Classes duæ priores in diversa abeant, quæritur num votum civitatum uni assentientis majora efficiat? Quod negandum primum esse videtur, tum enim civitatum arbitrio nimis multum relictum esset, quippe cum votum suum in hujus vel illius præjudicium pro lubitu dirigere possent. Affirmativam tamen omnes sequuntur, Curiata enim illa vota non tam pro decisivis quam Consultativis alias habenda essent: imò in omni collegio illi qui ultimo loco sua ferunt vota, licet majoritatem constituent, eos tamen in præjudicium priorum aliquid facere dici non potest. Prius itaque non sequendum, cum posterius sæpius observatum sit vid. Autor. *der Grundfeste part. 2. c. 8.* Et tantum de modo vota colligendi in nostro Imperio, quid num principiis Politicis respondeat, & an è re Reipubl. sit tali modo suffragia ferre, aliis ingenio doctrina & rerum usu pollentibus transcribo: Dari autem varios Comitiorum defectus circa vota, videre est apud Autor. *der Grundfeste pag. 3. cap. 4.*

L.

Nunc ultimo ordinis ratio postulat, ut de pluralitatis votorum effectu pauca dicam; & in genere ille est effectus pluralitatis, ut sententiis discrepantibus, suffragia plura prævaleant cæteris, & ita accipiantur, ac si in ea omnes consensissent,



sent, & hic terminus quoque est pluralitatis, ut multitudinem ad unitatem quasi redigat, sententiam à pluribus dictam invalescere ac prædominari faciat, cæteras viribus suis perimat, ac velut indictas reddat. Obligatio autem illa quæ exinde oritur non eos tantum obligat, qui Collegio illi in quo per majora quid conclusum, sunt subiecti, sed & singulos in illo Collegas, licet etiam ex numero illorum sint, qui contradixerint. Hi enim cum primum in numerum Collegarum recepti, non solum in receptionem illam consenserunt, sed promiserunt, quod conservatio Collegii ipsis maximè curæ esse debeat, hujus itaque ratione sunt obligati ad id, quod majori parti visum fuerit, cum hæc unice ad conservationem uniuscujusque societatis inventa sit.

LI.

Instar legis itaque conclusum à majore parte habendum esse, non est quod dubitemus. Quod si igitur ex paucorum opinione aliquid contra officium decernatur, ille actus ipso jure nullus est, cum omnis actus ipso jure nullus dicatur, qui formâ præscriptâ destitutus sit. *l. 5. l. de leg. l. 6. ff. qui satisd. cog. l. 8. §. 2 ff. de bon. possess. contr. tab. l. 12. C. de testam. T. T. C. de præd. Min.* Præjudicatur autem per majora reliquis ita, ut non attenda minoris partis sententia, protestatione, ac contradictione id obrineat, quod pluribus Placet, unde si in Avocatoriis Cæsareis tales clausulæ inseruntur, darzu uns wolsermelte Chur-Fürsten einhellig ihren consens, dem herkommen gemäſ / unter ihrem Handschrift und Siegeln gegeben/tum plane non attenditur annuo vel altero dissentiente hoc fuerit factum, sed simpliciter quantum omnium consensu comprobatum sit, *Arumæ. de Comitibus c. 3. n. 36.*

LII.

Præjudicatur & illis per majora, qui ad deliberationes quidem vocati sunt, comparere tamen nolint, sed emanent, tum enim cæteris sive præsentibus, jus est obligandi absentes, idque ex præsumpta absentium voluntate, videntur enim reliquis præsentibus quasi vices suas demandasse & juri suo renunciaſſe.

Mar.



Mar. part. 4. decis. 207. adeo, ut secundum Doctores statuto non possit introduci, ut major pars non concludat. Klock. vol. 1. confil. 28. n. 45. & seq. Barbof. in Axiom. lib. 11. c. 4. axi. 2. Ricc. decis. 316. Imò præsentibus licet pauciores absentibus (tamen vocatis) ad actum perficiendum nonnunquam sufficiunt. Auth. si omnes C si Min ab hered. abstin. arg. l. 7. ff. quod cuiusq. uni v. nom. Et in publicis quoque idem observari certum est, quamvis enim major pars Electorum abesset, nihilominus tamen reliqui præsentibus licet pauciores ad Electionis actum sufficiunt & electionem instituire possunt. A. B. Tit. 1. §. und welcher Chur-Fürst. c. quod sicut. 28. §. si autem extr. de Elect. c. quia propter 42. dist. Tit. Buxtorff. ad A. B. th. 25. lit. F. Rumelin. p. 1. Dissert. ad A. B. 3. th. 10. p. 40.

LIII.

Per majora quoque & illis præjudicatur qui quidem sunt præsentibus, votum tamen ferre recusant, hos enim itidem nihil efficere vel majori parti non obstare, colligere est ex l. 195. ff. de R. L. cum enim illa, quæ expressa sunt, tantum noceant, illi vero, qui præsentibus sunt & votum majori parti nocere non posse. Idem ferme dicendum de votis Indifferentium, seu ut vulgo vocant, Neutralium. Et in electionibus talium vota plane non attendenda esse, satis constat, ibi enim vota certa esse debent non Conditionalia nec in differentia arg. c. 2. de Elect.

LIV.

Finis deniq; pluralitatis votorum est & esse certe debet, salus societatis sive civilis sive alius, in qua & de cuius negotiis deliberatio est instituta, omnis enim deliberatio in bene constitutis Rebus publicis ad salutem non solum imperantium, verum etiam parentum ac subditorum collimare debet, & intendere ut si non omnibus, saltem plerisque bene sit: Et cum Aristoteles lib. 7. Pol. c. 14. omnem vitam in negotium & otium, bellum & pacem dividat, deliberantes id curare debent, ut utrumque tempus ad communem utilitatem recte possit gubernari.

LV. Et tanrum ratione propositi mei de hac materia dixisse sufficiat, siquidem ubertatem amplissimæ hujus materiæ non respiciens ex gravi & urgenti causâ breviter sequi coactus sum, imò non alium in finem præsentibus hæc disputatio vincula à me etiam scripta est, quam ut sit quale quale specimen, mei in hac Academiâ per triennium & quod excurrit non frustra impensis laboris. Nec quoque tam ignarus sum meæ tenuitatis, ut de arduis, quæ in Imperio nostro de majoris partis jure agitantur, controversiis, iudicium mihi sumere audeam, sed potius plenioris & accuratioris argumenti hujus tractationem aliis ingenio & rerum usu pol-

lentibus relinquo.

F I N I S.





\* \* \*

# ANDREÆ FRIDERICO RUDOLPHI

paternarum virtutum æmulo, J. U. Docto-  
randa clarissimo

S. P. D.

JO. ANDR. Schmidt SS. Th. D. PP.

**B**onarum artium origines & progressus qui  
altius repetere voluerit, illarum matrem ma-  
gistramque fuisse paupertatem, easdem vero  
aluisse honorem, atq. à tam levibus initiis,  
gradibusq. ab imis ad tantum, quo nunc florent, fastigium  
surrexisse, ex vero deprehendet. Duro namq. necessi-  
tatis telo compulsi ad studia homines, fama & titulorum  
splendore posthac allecti intaetum reliquerunt nihil: cer-  
tissimo argumento, quod illustria ingenia pulchritudinem  
ac speciem excelsæ magnæq. gloriæ vehementissime appe-  
tant,

):(



tant, dum contra curvæ in terras animæ quærendam pri-  
mum esse pecuniam arbitrantur. Solum nomen ad studia  
accendit erectos, cum alios impellat ad alia numus. Opti-  
mum hoc dici studiorum nutrimentum non ego miror, si  
naturam paucis esse contentam, si huc respexisse omnes  
illos, quibus placuit honores constituere Academicos, ne  
studia æternum sepulta jacerent, si alia plura mecum re-  
puto. Id vero doleo, multos quidem sollicitam illam al-  
tricem ambire, non tamen pede æquo ejus pulsare fores.  
Impense tamen simul gaudeo, quando aliquos duntaxat vi-  
deo, qui improbo labore virtuti suæ nihil sinunt in vium  
& per laborum anfractus ad honorum adyta progrediun-  
tur. Horum in numerum si Te Clarissime DN. **RV-**  
**DOLPHI**, quem natura de meliori luto formavit, for-  
tuna fovit & bona perfecit institutio, non ea, qua par est,  
ratione adscriberem, virtuti ipsi inferrem injuriam. Ex  
quo enim vitalem banc auram Gothæ haurire capisti,  
majorum tuorum imagines ad optima queque te excita-  
runt. Nomina **RVDOLPHORVM**, **HAKEN-**  
**BERGIORVM**, **GERSTENBERGERORVM**  
& **ZIEGLERIORVM**, illa apud Magdeburgenses  
& Gothanos, hæc vero apud Erffurtenses notissima, no-  
ctes tibi insomnes facere potuerunt. Accedebat cura opti-  
mi Parentis, studia tua committentis in Gymnasio vestro  
moderatoribus clarissimis, **HESSIO**, **TENZELIO**,  
**RVM.**



**RVMPELIO**, **FOKERODTIO** aliisque de re  
literaria egregie meritis. Quo ipso factum fuit, ut ani-  
mus notitia linguarum & artium rite prius instructus, le-  
ctiones & exercitationes Academicas cum fructu adire  
potuerit, & alios multis post se relinquere passibus, qui  
illotis manibus easdem involare solent. Prolixum nimis  
foret, Tuos apud nos labores, & eleganti ordine &  
proficua varietate susceptos, pluribus recensere. Pau-  
cis tamen istos referre mihi licebit, ut tuo exemplo mone-  
antur alii, quantum juvet, si in Academiis nulla dies,  
nulla hora sine linea studioso aufugerit. Per omne tem-  
pus, quo nobiscum fuisti, clarissimo fratrum **BÖH-  
MERIORVM** pari, Te ita adhaesisse scio, ut illo-  
rum alterum in omnibus collegiis publicum privatumque  
habueris Doctorem & tandem disputationum Grotiana-  
rum **XX.** praesidem: **VVIDEBVRGIVM** Eucli-  
dis elementa Geometriae explicantem: **MEIBOMIVM**  
Historiam Principum Saxoniae inferioris recensentem:  
ac praecipue Jctorum ordinis Professores omnes **VVERL-  
HOEIVM**, **EISENHARDTVM**, à **BOEKEL-  
LEN**, **ENGELBRECHTVM** secutus es sem-  
per, neque ullam partem in juris curriculo neglexisti. Re-  
liqua tacere malo, ne meum quoque nomen his inserere  
necessum habeam. Omnia haec profecto testantur, ardo-  
rem quo studia aggressus & laborem quo eadem continuasti  
ad



124  
ad hoc usque tempus, sua babuisse alimenta ex honoribus,  
quos sapientissimi Academiarum fundatores, strenuis stu-  
diorum cultoribus conferri voluerunt. Hos etiam,  
cum non ita pridem ab incluto Jctorum ordine modeste pe-  
tiisses, ita obtinuisti, ut judicaverint jure tibi deberi,  
quos tanto labore promerueras. Sic ergo nunc damno  
cessante lucrum cernis emergens, quod ut tibi non  
duntaxat sed & patriae salutare sit, temporisque successu  
illius interesse ultra alterum tantam excurrat, ex animo  
voveo. Redi ad tuos bono omine & universis exemplo  
ostende, quales in hac studiorum officina formentur animi,  
si tui similes ad nostram fuerint missi institutionem. Vale  
atque omnes nomini meo faventes saluta. Depropera-  
bam inter alias occupationes Hehnstadii Saxonum  
M DC XCVIII.





ULB Halle

3


002 100 274




*WDA*











B.I.G.

Farbkarte #13

ACADEMICVS  
DE


# LITATE ORUM

E M  
ENTE GRATIA

RÆSIDIO  
ENGELBRECHT  
PER. ET IVR. CRIM.  
C IVLIA PROFESSO-  
DINARII DN. PATRONI,  
AVUNCULI ET HOSPI-  
IVM COLENDI

*in disquisitioni subjiect*  
RUS CONERDINGIUS  
od. Fil.  
utor

M JUNII  
IVLEI AUDITORIO

(o) 

ESTADII,  
IS MÜLLERI Acad. Typogr.  
IO IO C LXXV.

39  
1675, 7a  
8

